

理

學

宗

傳

理學宗傳卷之十八

郭廷熙

容城孫奇逢輯

門人耿帝德全編

宋儒考

郭迥熙

真文忠公德秀

真德秀字希元稱西山先生建州浦城人寧宗慶元五年登進士第嘉定元年遷太學博士時韓侂冑已誅入對言侂冑倡爲僞學之論今日改絃更張正當褒崇名節明示好尚四年遷著作佐郎同列相忌讒

固是先見
亦理勢所
當然也

之德秀恬不與較兼禮部郎上疏言金有必亡之勢
亦可爲中國憂蓋金亡則上恬下嬉憂不在敵而在
我多事之端恐自此始六年遷起居舍人奏言權姦
擅政初朱熹彭龜年以抗論逐呂祖儉周端朝以上
書斥當時近臣稍有爭之者其後呂祖泰之貶非惟
近臣莫敢言而臺諫且出力以擠之則嘉泰之失已
深於慶元矣更化之初羣賢皆得自奮未幾傅伯成
以諫官論事去蔡幼學以詞臣論事去鄒應龍許奕
又繼以封駁論事去是數人者非貽大有所掃拂已

皆不容於朝故人務自全一辭不措散有大安危太
利害羣臣暗默如此豈不殆哉今欲與陛下言勤訪
問廣謀議明黜陟三者而已時史彌遠方以爵祿縻
天下德秀力請出爲江東轉運副使江東旱蝗遂與
留守憲司分所部九郡大講荒政而自領廣德太平
以便宜發廩賑給竣事而還百姓數千人送至郊外
指道旁叢塚泣曰此皆往歲餓死者微公我輩已相
隨入此矣先是都司胡槻等每誚德秀迂儒試以事
必敗至是政舉日聞理宗卽位召爲中書舍人尋擢

禮部侍郎直學士院入見奏三綱五常扶持宇宙之
棟幹奠安生民之柱石人主但當以二帝三王爲師
又疏言朝廷之上敏銳之士多於老成雖嘗以耆艾
褒傅伯成楊簡以儒學褒柴中行以恬退用趙蕃劉
宰至忠亮敢言如陳宥徐僑皆未蒙錄用上問庶吏
希元以知袁州趙鉞夫對上親擢鉞夫直秘閣希元
因經筵侍上進曰此高孝二祖諸神燕閒之地仰瞻
楹桷當如二祖在上惟學可以明此心惟敬可以存
此心惟親君子可以維持此心屢陳觀言上皆虛心

開納而彌遠益嚴憚之乃謀所以相撼落職歸修讀
書記語門人曰此人君爲治之門如有用我者執此
以往紹定間復起知泉州迎者塞路深山百歲之老
皆扶杖而出懽聲動地召爲戶部尚書以大學衍義
進改翰林學士踰年拜叅知政事三乞辭祿疾亟冠
帶起坐卒謚文忠希元長身廣額容貌如玉立朝不
滿十年奏疏無慮數十萬言皆切當世要務直聲震
朝廷宦游所至惠政深洽自佐胥吏僞學之名以錮
善類凡近世大儒之書皆顯禁以絕之希元晚出獨

慨然以斯道自任講習而復行之黨禁旣開而正學
遂明於天下後世多其力也先嘉定初居館職時秘
書郎楊敬仲謂曰希元有志于學顧未能忘富貴利
達何也希元恍然莫知所謂敬仲徐曰子嘗以命訊
日者故知之夫必去是心而後可以語道希元曰先
生之於某可謂愛之深而教之篤矣守泉州日著心
經始自舜禹授受繼以詩易四書禮記周程朱之言
凡謂心之說靡不畢備

希元端亮立朝慷慨論列無可間然以命訊日者
一聞敬仲之言遂恍然自失曰可謂愛之深而教

之篤矣此便見真實向學勇於任道憶南阜當國
事急迫之時起之川間至任縣停驂閤門以合家
之命訊日者斯時有敬仲其人焉當必投袂而起
矣噫品地高則人屈望切責辨嚴不可不益加學
功

語錄

學問之道有三曰省察也克治也存養也是三者不容以一闕也夫學者之治心猶其治疾然省察焉者視脉而知疾也克治焉者用藥以去疾也而存養者則又調虞愛護以杜未形之疾者也

過雖聖賢不能無蓋過者過誤之謂也知其爲過而速改則無過矣成湯之聖猶且改過不吝顏子之賢猶曰不貳過以此可見雖聖賢必以改過爲貴若知其爲過不肯速改則是文過遂非而流于惡

改過是聖
學第一事

矣蓋無心而誤則謂之過有心而爲則謂之惡不待別爲不善方謂之惡只知過不改是有心便謂之惡易曰風雷益君子以見善則遷有過則改天下之至迅疾者莫如風雷故聖人以此爲遷善改過之象此卽過勿憚改之意也

一事有一事之理人能安定其心順其理以應之則事旣得所心亦不勞苦擾擾焉以私心處之則事必不得其當而其心亦無須臾之寧人徒知爲事之累心不知乃心之累事也

心累事只
不能行
無事

魯有不誠
數不立誠

禮樂原離
不附離則
兩害

唐虞之時未有誠字舜典所謂允塞卽誠之義也至
伊尹告太甲乃曰鬼神無常享享于克誠誠字始
見於此

敬者禮之本制度威儀者禮之文和者樂之本鐘鼓
管磬者樂之文禮樂二者闕一不可記曰樂由陽
來禮由陰作天高地下萬物散殊而禮制行焉流
而不息合同而化而樂興焉故禮屬陰樂屬陽禮
樂之不可闕一如陰陽之不可偏勝禮勝則離以
其太嚴而不通乎人情故離而難合樂勝則流以

其太和而無所限節則流蕩忘返所以有禮須用
有樂有樂須用有禮此禮樂且是就性情上說然
精粗本末亦初無二理

禮中有樂樂中有禮朱文公謂嚴而泰和而節

程子云涵養須用敬進學則在致知蓋窮理以此心
爲主必須以敬自持使心有主宰無私意邪念之
紛擾然後有以爲窮理之基本心既有所主宰矣
又須事事物物各窮其理然後致盡心之功欲窮
理而不知持敬以養心則私慮紛紜精神昏亂於

義理必無所得知持敬以養心矣而不知窮理則此心雖清明虛靜又只個空蕩蕩底物事而無許多義理以爲之主其于應事接物必不能皆當釋氏禪學正是如此故必以敬涵養而又博學審問慎思明辨以致其知則於清明虛靜之中而衆理悉備其靜則湛然寂然而爲未發之中其動則泛應曲當而爲中節之和天下義理學者工夫無以加於此自伊川發山而文公又從而闡明之中庸尊德性道問學章卽此意也

八之氣質有至善而不可移奪者有善少惡多而易
於移奪者有善多惡少而難於移奪者又曰性之
不能離乎氣猶水之不能離乎土也性雖不離乎
氣而氣汨之則不能不惡矣水雖不離乎土而土
汨之則不能不濁矣然清者其先而濁者其後也
善者其先而惡者其後也先善者本然之性也後
惡者形而後有也故所訓善者超然於降衷之初
而所謂惡者雜出於有形之後其非相對而並出
也昭昭矣

道性粹就
其本然者
言

敬為始誠
為終則主
敬時未必
能一則
無二無雜
則一即誠
矣分先後
尊二也

伊川先生言主一之謂敬又恐人未曉一字之義又
曰無適之謂一適往也主於此事則不移於他事
是謂之無適也主者存主之義伊川又云主一之
謂敬一者之謂誠主則有意在學者用功須當主
於一主者念念守此而不離之意也及其涵養既
熟此心湛然自然無二無雜則不待主而自一矣
不待主而自一即所謂誠也敬是人事之本學者
用功之要至於誠則達乎天道矣此又誠敬之分
也

閔子言行見於論語者唯四章合而言之見其躬至
孝之行辭不義之祿氣和而正言謹而確此其所
以亞於顏淵而與曾子並稱也歟

奸邪以偽學禁錮善類此斯文之大厄也公曉出
慨然以斯道自任屢進危言力扶大義公論藉以
開明善類爲之踴躍至大學衍義一書本聖賢之
學明帝王之治真是有體有用吳郡李氏稱其衣
被萬世與朱子見道同利澤同富非謬也

何文定基

何基字子恭婺州金華人父伯慧爲臨川縣丞而黃
榦適知其縣事因見二子而師事焉榦告以必有真
實心地刻苦工夫而後可基悚惕受命於是隨事誘
掖得聞淵源之懿微辭與義研精覃思平心易氣以
俟其通未嘗參以己意立異以爲高徇人而少變凡
所讀無不加標點義顯意明有不待講說而自見者
朱熹門人楊與立一見推服來學者衆嘗謂爲學立
志貴堅規模貴大克踐服行死而後已讀詩之法須

變開既不
能即破始
且放下何
如

掃蕩膏次淨盡然後吟哦上下諷詠從容使人感發
方爲有功謂以洪範參之大學中庸有不約而符者
謂讀易者當盡去其膠固支離之見以潔淨其心玩
精微之理沉潛涵泳得其根源乃可漸觀爻象其確
守師訓故能精義造約王栢既執贄爲弟子基謙抑
不以師道自尊栢高明絕識序正諸經弘論英辨質
問難疑或一事至十往返基終不變嘗曰治經謹守
精玩不必多起疑論有欲爲後學言者謹之又謹可
也基淳固篤實絕類漢儒雖一本於熹然就其言發

明精義愈出不窮文集三十卷而與栢同辨者十卷
趙汝騰守婺延聘請講辭不就復首薦於朝又率從
官列薦通判鄭士懋守蔡抗楊棟相繼以請皆辭景
定五年詔舉賢特薦基與建人徐幾同被命添差婺
州學教授麗澤書院山長力辭咸惇初授史館校勘
兼崇政殿說書屢辭改承務郎主管西獄廟終不受
卒年八十一國子祭酒楊文仲請於朝謚文定所著
大學中庸發揮大傳易啟蒙發揮通書近思錄發揮

王文憲栢

王栢字會之婺州金華人。大父崇政殿說書師愈從揚時受易論語。旣又從朱熹張拭呂祖謙游。父翰朝奉郎主管建昌軍仙都觀兄弟皆及熹祖謙之門。栢少慕諸葛亮爲人。自號長嘯。年踰三十始知家學之原。捐去俗學。勇於求道。與其友汪開著論語通旨。至居處恭執事敬。惕然嘆曰。長嘯非聖門持敬之道。亟更以魯齋從熹門人遊。或語以何基嘗從黃幹得熹之傳。卽往從之。授以立志居敬之旨。且作魯齋箴勉。

之質實堅若有疑必從基質之於論語大學中庸孟子通鑑綱目標柱點校尤爲精密作敬齋箴圖夙興見朝治家嚴飭常暑閉門靜坐子弟白事非衣冠不見也少孤其事伯兄甚恭季弟蚤喪撫其孤又割田予之收合宗族周恤扶持之閒之沒家貧爲之歛且葬焉來學者甚衆其教必先之以大學蔡抗楊棟相繼守婺趙景緯守台聘爲麗澤上蔡兩書院師鄉之耆德皆執弟子禮理宗崩率諸生制服臨于郡栢之言曰伏羲則河圖以畫八卦文王推八卦以合河圖

河圖者先天後天之祖宗也河圖是逐位奇偶之交
後天是體統奇偶之交惟四生數不動以四成數而
下上之上偶下奇莫非自然又曰大禹得洛書而列
九疇箕子得九疇而傳洪範範圍之數不期而暗合
洪範者經傳之宗祖乎初一日五行以下六十五字
爲洪範五皇極以下六十四字爲皇極經此帝王相
傳之大訓非箕子之言也又曰今詩三百五篇豈盡
定於夫子之手所刪之詩容或有存於閭巷浮薄之
口漢儒取以補亡乃定二南各十有一篇兩兩相配

退何彼穠矣甘棠歸之王風削去野有死麕黜鄭衛
淫奔之詩又作春秋發揮又曰大學知致格物章未
嘗亡還知止章于聽訟之上謂中庸古有二篇誠明
可爲綱不可爲目定中庸誠明各十一章其卓識獨
見多此類也其卒整衣冠端坐揮婦人勿近國子祭
酒楊文仲請於朝謚曰文憲所著有讀易記涵古易
說大象衍義涵古圖讀書記書疑詩辯說讀春秋記
論語衍義太極衍義伊洛精義研幾圖魯經章句論
語通旨孟子通旨書附傳左幾正傳續國語問學之

書文章復古文章續古瀛洛文統擬道志朱子摘要
詩可言天文考地理考墨林考大爾雅六義字原正
始之音帝王曆數江右淵源伊洛精義祿志周子發
道三昧文章指南朝華集紫陽書詩類家乘文集
會之古博之士在辭藝上做工夫者故實疑問難
或一事至十往返

陳潛室墳

墳字器之浙江永嘉人學者稱潛室先生所著有木
鍾集十一卷

傳缺

答問

問夫子賢伯夷首陽之節孟子譏其隘夫子仁管仲
糾合之功孟子以曾西之所不爲曰孔子雖尊伯
夷然只列於逸民之目而自謂我則異於是孟子
隘之語起於此雖稱管仲然小器不知禮之譏黑
白較然孟子羞稱之語始於此孟子願學孔子故

不與諸子處乃真與聖人同符末學所未喻也

問君子博學于文約之以禮與孟子博學而詳說之
將以反說約也意相似否曰博學必約之以禮是
重在約禮博學正將以反說約是重在博學蓋博
固不可不反於約然非博亦不能遽反於約二者
合而後備乃互相發也

問孟子三自反與顏子犯而不較氣象如何曰顏子
一身渾是義理不知有人孟子見義理之無窮惟
知反己顏子之量無涯孟子之言有迹但欲學顏

于先學孟子

問夫子告曾子子貢以一貫之道晦翁訓彼以行言此以知言既是一貫如何分得曰以忠恕而明一貫驗得是行以學識而明一貫驗得是知一貫固不分彼此但向人語處入頭各有塗轍耳

問夫子之道忠恕晦翁曰盡已之謂忠推已之謂恕伊川曰忠者天道恕者人道二者之說有異同否曰盡已則忠實無妄爲恕之體故言天道推已則公恕流行爲之用故言人道天人之分體用之謂

語對症便
是本

也

問籩豆之事曾子以爲末俎豆之事夫子則嘗聞之
矣不以爲末何也曰軍旅對俎豆則軍旅爲末道
德對籩豆則籩豆爲末

問孔子言王道只言禮樂如夏時商輅周冕是也孟
子言王道只言政事如衣帛食肉經界井地是也
意者孔子言王道之本孟子言王道之務曰孔子
爲學者言止言經世之大綱孟子爲時君言當論
濟時之急務

問子罕言命中庸首言命何也曰性與天道聖人罕言乃不躐等之教學問之家所理會者何事却禁人口不言邪

問子在川上一章孔子只是說天地間道理流行無有窮盡如水之更往迭來晝夜常恁地初無一轉停息卽此是道體大意亦可見集註云自漢以來儒者皆不識此義如何曰自漢以來號爲儒者只說文以載道只將經書子史喚作道其弊正是鑽破故紙不曾問道所以道體流行天地間雖區區

都是自家原不曾領會得然此事說之亦易參得者幾人必如周程邵子胸次灑落如光風霽月則見天理流行也

問明道云忠恕兩字除一個不得而夫子曰行之以忠是除却恕又曰其恕乎是除却忠忠恕果可以盡一一果可止於忠恕乎曰此一說最宜詳味是論語第一義不可只如此看行之以忠行處便是恕其恕乎所以恕者便是忠所以除一個不得也

問孟子論不動心歸之持其志無暴其氣二者固當

兩下工夫至公孫丑問孟子惡乎長復告之以我知言我善養浩然之氣而不及志何耶曰持其志處卽義理之養孟子養氣全在集義乃持其志也孟子細密工夫只如此不肯下敬字先儒謂其才高難當

問夫子賢於堯舜遠矣何以觀曰當時若無孔子今人連堯舜也不識

問湯事葛文王事比夷正耶譎耶以言其正何詩書有葛伯不祀湯始征之比夷駝矣維其喙矣等語

曰事之者樂天之仁伐之者應天之義處處是道理豈有計較心執俗心以觀聖賢陋矣

問孟子曰伯夷隘柳下惠不恭隘與不恭君子不由也又曰聖人百世之師也伯夷柳下惠是也曰夷惠皆絕德而不合中庸故好處直是可學弊處却不當學

問伊尹之任非夷惠比蓋夷惠一流於清一流於和伊尹未見其偏也並言何故曰有伊尹之志則可無伊尹之志則算其弊與二子同

問子貢稱夫子曰學不厭智也教不倦仁也學所以
成已教所以成物中庸曰成已仁也成物智也何
其言之相反曰仁智互爲體川義精仁熟之後道
理縱看橫看皆可智爲體則仁爲用仁爲體則智
爲用

問正心存心之分養性知性之辨曰不起妄念是正
心不令外馳是存心存此天理是養性明此天理
是知性

一命知命

問正命知命立命之所以殊曰凡死雖均是命但盡

正命知命
立命知命
於修身以
後君子所
涉易也

道而無憾者爲正比干雖殺身正也盜跖雖永年
非正也知謂知此道理不惑於死生壽夭一成是
天理排定是謂知命既知得了不成一向委付於
命須是了盡自家身分上道理無少虧欠方是立
命盡是道理了恁時死方無憾是謂正命

問孟子曰形色天性也告子曰食色性也二者之分
如何曰形色爲性是引形氣入道理中來食色爲
性是逐道理出形氣外去霄壤之分

問春秋明尊王之法孟子乃專以王道與列國言魯

明太祖黃
儒孟子亦
此意蓋原
發孔一語

無一語及於周室毋乃周至此時決不可以有爲
耶然君子表微天下大分要不可一日此也有他
說否曰此是孔孟灼見天心以天自處周有一日
天命便當爲周文王孔子是也一日天命去周便
當繼周武王孟子是也

問繼善成性繼與成字如何曰凡物之生先有理而

後有氣善當作理看此性謂氣質之性道卽太極也太極

才動首先撒出者便是理故以繼善言隨太極之

後次漸成就者卽爲性成則自形質矣孟子說性善是第

乃解紛

言無所苟
其誠可知

無見帝王
氣象

一義從他繼之者諸子說不善是第二義從他成
之者

問修辭立其誠是修辭了又着立誠還是修辭立其
誠曰一事苟則事事皆苟先聖說此語非是修飾
言辭要人說好只要欲體當自家之誠意辭語纔
不精擇卽心裏潦草可知

周騶征苗而班師與東征之役如何曰唐虞之道直
以大故以揖遜終焉處處是揖遜意商周之道直
以簡所以吊伐興焉處處是吊伐意帝國戰德王
國戰義亦是

此意

問仲尼祖述堯舜憲章文武止律天時下襲水土聯
翁謂兼內外該本末曰祖述者道法在其中憲章
者法道在其內律天時者大則顯聯屈伸小則服
食寢處襲水土者大則坎止流行小則採山釣水
細底道理爲本爲內籠底道理爲末爲外

問不觀不聞聯翁謂喜怒哀樂未發之初至靜之時
也當至靜之時不知戒惧之心何處着落曰此間
最精前輩於此境界最難下言語既是未發才着

如是而已

工夫便是發了所以只說戒謹恐懼蓋雖是未發之初體已含具萬用在此不比禪家寂如空如所惺惺主人常在冥漠中照管都不曾放下了蓋雖是持守體段却不露痕跡

問不觀不聞若無恐懼則是稿木死灰全無知覺此心既無知覺到得發時却是外面更生一道理也中庸大意雖不在是然說持養話頭認此意如何曰便是此話頭執着不得才說知覺持養卽成已發雖必有事而不可正其心此際如灰乘養火冷

只在人所
不見處著
力不必說
入微妙

灰中煖火自在不宜撥着才撥着則見火矣

問德不勝氣性命於氣德勝其氣性命於德曰義理
不勝氣稟則性與命皆隨氣稟中去所以多不善
若義理勝氣稟則性與命皆向義理中來所以爲
善德謂義理之性氣謂血氣之性學問之道無他
不過欲以義理勝血氣

問赤子之心與未發之中同否曰赤子之心只是真
實無僞然喜怒哀樂已是倚向一邊去了如生下
時便有嗜慾不如其意便要號啼雖是真實已是

赤子之心
不可恃不
失其心特
全在存養

橫渠正學
明道之言

有所倚着若未發之中那渾然寂然喜怒哀樂都
未形見只有一片空明境界未有倚靠此時只可
謂之中要之赤子之心不用機巧未發之中乃存
養所致二者實有異義

問明道曰在人爲性主於身爲心心發於思慮爲之
情如此則性乃心情之本而橫渠則以爲以統性
情如何曰心居性情之間向裏卽是性向外卽是
情心居二者之間而統之所以聖賢工夫只在心
裏看到一線而兼得之橫渠此語大有功於後學

問程子說性與孟子不同曰性者人心所具之天理
以其氣稟之不齊故先儒分別出來謂有義理之
性有氣質之性仁義禮智者義理之性也知覺運
動者氣質之性也有義理之性而無氣質之性則
義理必無附着有氣質之性而無義理之性則無
異於枯死之物故有義理以行乎血氣之中有血
氣以受義理之體合虛與氣而性全孟子之時諸
子之言性往往皆於氣質上有見而遂指氣質作
性但能知其形而下者耳故孟子答之只就他義

立言各有
對症死執
便非

理上說以攻他未曉處氣質之性諸子方得於此
孟子所以不復言之義理之性諸子未通於此孟
子所以反覆詳說之程子之說正恐後學死執孟
子義理之說而遺失血氣之性故并二者而言之
曰論性不論氣不備論氣不論性不明程子之論
舉其全孟子之論所以矯諸子之偏人能卽程子
之言而達孟子之意則其不同之意不辨而自明
矣

問程子以權卽經而以反經合道之說爲非晦翁引

權非經反
經又非權
故權非經
人不能用

體物不遺
見造化之

孟子說爲經權亦當有辨曰權乃權衡之權卽隨
物以取平者古人借此權字以秤量事理卽所謂
義之宜卽所謂時中也旣曰義與中又何嘗自反
經來但以變通從時求合于經不可直謂之經
問造化曰天地造化萬物萬物露生於天地之間者
皆造化之迹也是孰爲之耶鬼神也造化之迹猶
言造化之可見者於今一禽一獸一花一木鍾英
孕秀有雕斲繪畫所不能就者倏忽見於人間是
孰爲之耶卽造化之迹鬼神也

三字定案

問集註云簪紳之德不勝其才子產之才不勝其德
曰功大而器小是德不勝才惠而不知爲政是才
不勝德

自得之妙
如此

問明道謂學不
言而自得者乃自得也自安排布置
者皆非自得也安排布置須是見於設施以安排
布置爲非自
得如何曰安排布置非是見於設施
謂此心此理
未到純熟兩忘地位必有營度計慮
之勞逆施倫
作之病才到自得處則心便是口理
便是心心與
理忘口與心忘處處安行自在默識

商初勝衰
未等便是
壞了厚澤

心通不川安
排布置也

問古今風氣人
物之異程子謂氣有淳漓自狀之理
有盛則必有
衰既是衰了還有淳時否曰有大盛
衰有小盛衰
則三代不似唐虞秦漢不似三代晉
宋不似秦漢
隋唐不似晉宋小盛衰則商初勝如
夏末周初勝
如商末漢初勝如周末晉初勝似漢
末唐初勝如
六朝之類

問晦翁說仁爲
愛之理心之德如何曰愛是情理是
性心統情性
者也單說愛字與心字猶是就情上

理學宗傳

卷之十八

四

此段是孔
門大關係
處

看必曰愛之理心之德方合性在裏面是愛之所
以爲愛而心之所以爲心者也是之謂仁前輩謂
心穀種能生處卽是他所以爲穀種處故桃杏之
核皆曰仁孔門不曾正說仁之體段只說求仁爲
仁之方孟子方說怵惕惻隱處以狀仁之體段又
說仁人心也須認得仁爲人心方見仁着落所以
不仁之人全無人心旣無人心問他怎麼羞惡恭
敬是非仁包四端卽此可見心如穀種所以生
是性生許多枝葉處便是情心亦是有形影底物

古今大指
思彼明道
一口道盡
靜室能閑
明道之義

事情亦是有形影底物事獨性無形影

問明道云天地間只有一箇感與應而已莫是動靜
無端陰陽無始底話曰一往一來一屈一伸一闔
一闢一晝一夜一寒一暑無處不是此兩扇物事
有感必有應所應復爲感所感復爲應備此三句
方是無端無始意蓋感應二字貫通陰陽動靜謂
陽動爲感固可謂陰靜爲感亦可謂陽動爲應固
可謂陰靜爲應亦可蓋今日之晝固起今日之夜
而今日之夜又起明日之晝天地間不過如此耳

問爲人爲己如何曰爲己是真實無僞爲人只是要
舉近名聖人此言是就他源頭上分別出來今學
士大夫謂爲己不求人知而求天知才說有求天
知意便不是爲己爲己者只是屈頭擔重擔不計
窮達得喪也

問橫渠曰未知立心思多之致疑曰立心持敬之
謂先立箇主人翁了方做得窮理格物工夫

問陽者陰之根陰者陽之根不知周子以陽具於陰
靜內陰具於陽動內還是說陰中有陽陽中有陰

陰陽同氣
於太極之
中原只一
氣

續要成理

還是說陰了陽陽了陰乃若水爲陰而生於陽之
變火爲陽而生於陰之合又何也曰陽生陰陰生
陽猶今日之晝固生今日之夜而今日之夜又生
來日之晝晝之根在夜夜之根在晝所謂互爲其
根也根者生之義二氣無判然兩截之理本只一
氣分而爲二名耳陽變生水卽天一生水也陰合
生火卽地二生火也

問近思錄明道言中有主則實實則外患不能入伊
川云心有主則虛虛則邪不能入無主則實實則

物來奪之所主不同何也曰有主則實謂有主人在內先實其屋外客不能入故謂之實有主則虛謂外客不能入只有主人自在故又謂之虛知惟實故虛蓋心既誠敬則自然虛明

問程子曰冬至一陽生却寒正如欲曉而反暗也陰陽之際亦不可截然不相接所侵過便是道理天地之間如是者極多艮之爲義終萬物始萬物此理最妙曰大率陰陽消長之理一氣不頻消不頻長欲消之氣却侵帶些在初長之中初長之氣却

此天地間
至理也發
諸儒所未
發

條帶些在欲消之中大凡寒暑晦明之交接頭處
須兩下侵帶些所以長居八卦之終且只是止萬
物然分於東北之間一頭接坎之殺氣固是終萬
物一頭接震之生氣又爲始萬物蓋震豈能類生
惟於殺氣未盡之時已是侵帶些子氣了故至震
方發生也

從來見諸儒之有發明理學者每列潛室陳氏但
未得讀其全文過成安見書肆中有本鍾集者
則潛室與及門士問答五經四子及近思錄論史
之書也學守程朱上遊渾淵無一言不几于道夫
文不載道不足以傳載乎道矣而不得其傳君子
其能已哉由宋而來五百年於此宋亡而宋儒始
聖賢長厚

昌蓋程朱儒之宗也身唐儒學之禁潛室獨超然
免於評論亦謂胡華用潛矣

金文安履祥

仁山受學
林王何而
傳之白雲
白雲又復
傳之方修
此是一派
學問端八
取友必端
於此見之

金履祥字吉父婺之蘭溪人幼敏康父兄稍授之書
即能記誦比長益自策勵凡天文地形禮樂山乘兵
謀陰陽律曆之書靡不畢究及壯知向濂洛之學事
同郡王柏從登何基之門自是講貫益密造詣益邃
時宋國事已不可爲履祥遂絕意進取會襄樊之師
日急宋人坐視而不敢救履祥因進牽制擣虛之策
請以重兵由海道直趨燕薊則襄樊之師將不攻而
自解且備叙海舶所經凡州郡縣邑下至巨洋別隅

難易遠近歷歷可據以行宋終莫能用及後朱瑄張
清獻海運之利而所由海道視樓祥先所上書咫尺
無異者然後人服其精確德祐初以廸功郎史館編
校起之辭弗就宋將改物所在盜起履祥屏居金華
山中兵燹稍息則上下巖谷追逐雲月寄情嘯咏視
世故泊如也居平獨處終日儼然至與物接則盎然
和惻訓迪後學諄切無倦而尤篤於分義有故人子
坐事母子分配爲隸不相知者十年履祥傾資營贖
卒贖以完其子後貴履祥終不自言相見勞問辛苦

而已何基王柏之喪履祥率其同門之士以義制服
當時始知師弟之倫履祥嘗訓司馬光作資治通鑑
秘書丞劉恕爲外紀以紀前事不本於經而信百家
之說是非謬於聖人不足以傳信自帝堯以前不經
夫子所定固野而難質夫子因魯史以作春秋王朝
列國之事非有玉帛之使則魯史不得而書非聖人
筆削之所加也况左氏所記或闕或誣凡此類皆不
得以辟經爲辭乃用邵氏皇極經世曆胡氏皇王大
統之例損益折衷一以尚書爲主下及詩禮春秋旁

採舊史諸子表年繫事斷自唐堯以下接於通鑑之前勒爲一書二十卷名曰通鑑前編凡所引書輒加訓釋以裁正其義多先儒所未發既成授門人許謙曰二帝三王之盛其微言懿行宜後王所常法戰國申商之術其苛法亂政亦後王所常戒則是編不可以不著也他所著書曰大學章句疏義二卷論語孟子集註考證十七卷書表注四卷謙爲校定天曆初廉訪使鄭允中上其書於朝初履祥既見王栢問爲學之方栢告以必先立志且舉先儒之言居敬以持

其志立志以定其本志立乎事物之表敬行乎事物之內此爲學之大方也及見何基基謂之曰會之屢言賢者之賢理欲之分便當自今始會之蓋相字也當時議者以爲基之清介純實似尹和靖相之高明剛正似謝上蔡履祥則親得之二氏而並克於已者也履祥居仁山之下學者稱爲仁山先生元統初吳師道爲國子博士移書祠履祥於鄉學至正中謚文安

理學宗傳卷之十八終

理學宗傳卷之十九

李體天

容城孫奇逢輯

門人王元鑣全編

李合天

元儒考

劉文靖公因 安敬仲熙附

劉因字夢吉保定容城人世爲儒家因生之夕父述夢神人馬載一兒至其家曰善養之既覺而生乃名曰翺字夢驥後改今名及字因天資絕人三歲識書日記千百言過目卽成誦六歲能詩七歲能屬文落

假見尤
生廣

筆驚人而弱冠才器超邁日閱方冊思得如古人者
友之作希聖解國子司業視彌堅教授真定因從之
遊同舍生皆不能及初爲經學究訓詁疏釋之說輒
嘆曰聖人精義殆不止此及得周程張邵朱呂之書
一見能發其微曰我固當有是也及評其學之所長
而曰邵至大也周至精也程至正也朱子極其大盡
其精而貫之以正也其高見遠識率類此因早喪父
事繼母孝家雖甚貧非其義一介不取家居教授師
道尊嚴弟子造其門者隨材器教之皆有成就公卿

不召之臣
四字風翔
手好

過保定者聞因名往往來謂因多遜避不與相見不
知者或以爲傲弗恤也嘗愛諸葛孔明靜以修身之
語表所居曰靜修不忽水以因學行薦於朝至正十
九年有詔徵因擢承德郎右贊善大夫初裕皇建學
宮中命贊善王恂教近侍子弟恂卒乃命因繼之未
幾以母疾辭歸明年丁內艱二十八年詔復遣使者
以集賢學士嘉議大夫徵因以疾固辭且上書宰相
朝廷不强致帝聞之亦曰古有所謂不召之臣其斯
人之徒歟三十年夏四月十有六日卒年四十五無

理學宗傳

卷之十九

二

卷之十九

予聞者嗟悼虞文靖稱公人品英邁卓然不可企及
延祐中贈翰林學士資善大夫護軍追封容城郡公
謚文靖殿陽懸嘗贊因畫像曰微點之狂而有沂水
風雩之樂資由之勇而無北鄙鼓瑟之聲於裕皇之
仁而見不可留之四皓以世祖之畧而遇不能致之
兩生嗚呼麒麟鳳凰固宇內之不常有也然一鳴而
六典作一出而春秋成則其志不欲遺世而獨往也
明矣亦將從周公孔子之後爲往聖繼絕學爲來世
開太平者邪論者以爲知言因所著四書精要三

集

十卷詩五卷號丁亥集因所自選又有文集十餘卷及小學四書語錄皆門生故友所錄惟易繫辭說乃因病中親筆云至正九年下詔訪求公遺書有云漢唐諸子莫之或先周邵正傳庶乎可繼考諸學宮或文有可采或事有可錄皆得鉅梓以傳浙西僉憲哈剌那海刻於嘉禾元臣李世安等累章請公與許文正同祀議者不知學有原本言於經藉無所箋註不報明禮部尚書王沂翰林學士宋瑛等以公從祀請成化元年助教李仲請祀三年允學士劉定之議準

楊時事例令容城建祠弘治元年禮部尚書周洪謨
等議薛瑄與元儒劉因并祀正德間容城張紹烈復
以是力言宜準楊時例從祀未允

希聖之功
只在無欲
故周子爲
諸儒之宗
先生其學
周子之學
者

希聖解

歲丁卯是月望秋容新沐明河皎潔天高氣清萬動
俱息於是易川劉子乃起坐中庭有酒一尊飲之
無味有琴一張絃之無聲有書一編周子所傳是
謂易通微妙難詮仰而求之高入青天卽而探之
深入黃泉余乃取而讀之星月之下至士希賢賢
希聖聖希天余不覺而嘆曰廷哉言蕩蕩乎浩浩
乎天高明神睿孰可希焉欺我後人廷哉此言於
是乎吟清風弄明月扣大塊飲太和誦太古滄浪

之詞仰天而嘯問而歌曰湛爾太虛兮性命之所
居兮皓爾太素兮元氣之所寓兮義軒遼兮吾誰
歸兮孔吳邈兮吾將疇伏兮諷咏不已坐而假寐
良久而起忽見中庭勃勃然有佳氣如聞足音拾
級而視之三老丈也其一人襟懷洒落如光風霽
月其一人有風月情懷江湖性氣其一人有淳古
君子之風三人同行謹迎揖延之上座乃再拜下
風進侍於前請其姓字與其所安止一曰吾稟太
極之真三五之精而生位太極而君天下今老矣

無所成退居潯溪拙翁者也一日吾偕太極之面
假太極之形先天而生太初氏吾母皇極君吾兄
欲名之而無名閒居西洛無名公者也一日天地
之帥吾其性天地之塞吾其體乾吾父坤吾母吾
其子焉藐然中處寓居西土誠明中子者也余聞
而疑之神耶人耶出此言耶且喜且懼且驚且怖
乃上手而言曰駟也庸俗鄙陋後學晚生未嘗接
縉紳先生之談論覩大人君子之儀型庭無人迹
門無車聲窮窗屏息終日冥冥者蓋有年矣吾三

先生之言如是高大何不遊乎神明之域與天爲
友與造物爲徒胡爲乎來哉無名公曰子向者招
我以太虛之歌引我以滄浪之詞吾不予拒今予
赴之子何忘之母乃昧乎天理蔽於人欲耶誠明
中子曰子吾同胞之弟吾不忍子英才而墮於不
肖之地吾欲子育而成之子何棄我而忘之耶拙
翁先生沉默不言久之乃曰士希賢賢希聖聖希
天小子疑吾言乎吾應之曰聖可希乎曰可有要
乎曰有請問焉曰一爲要一者何曰無欲孰無欲

曰天下之人皆可無欲然則天下之人皆可爲聖
人然若是則弟子之惑滋甚而不可解矣先生曰
子坐吾與爾言子其問之天地之間理一而已爰
其厥中散爲萬事終焉而合復爲一理天地人也
人天地也聖賢我也我聖賢也人之所鍾乃全而
通物之所得乃偏而塞偏而塞者固不可移全而
通者苟能通之何所不至矣聖希乎天至則天不
至則大聖賢希乎聖過則天不至則大賢士希乎
賢過則聖至則賢不至則猶不失乎今名此聖之

所以爲聖賢之所以爲賢也子受天地之中稟健順五常之氣子之性聖之質子之學聖之功子猶聖也聖猶子也子其自攻而反以我爲迂子迂乎先生迂乎苟子修而靜之勉而安之踐其形盡其性繇思入睿自明而誠子希聖乎聖希子乎子其自棄而反以我爲欺子欺先生乎先生欺子乎子於是叩首而謝曰駟也昧道懵學佞侗顓蒙坐井觀天戴盆仰日捫舌之罪豈敢避之然而辱令教命剔開茅塞洞見天君駟雖不敏鑽仰之勞豈敢

清才二字
惟先生是
當之

會得此意
無人不自
得

負先生之知乎無名公誠明子捐吾背曰吾子勉
之他日問天地間有一清才者必子也夫余辭而
不敢當三先生不以留余亦驚悟醒然視之不見
其處

遂初亭說

君子立心之初曰爲善而不爲惡曰爲君子而不爲
小人如是而已苟爲善也爲君子也則其初心遂
矣夫道無時而不有無處而不在也故欲爲善爲
君子蓋無時無處而不可而吾之初心亦無時無

處而不得其遂也若曰吾之初心將出以及物也
苟時命不吾與焉則終身不得其遂矣如是則是
道偏在乎出而處也無所可爲者矣若曰吾之初
心欲處而適已也苟時命不吾釋焉則亦終身不
得其遂矣如是則是道偏在乎處而出也無所可
爲者矣道果如是乎哉詹事張公子有子知其心
爲最深蓋樂爲善而惟恐其不爲君子者也今樂
亭名以遂初而其心乃在乎閑適而諸公爲詩文
以題咏之者以子有期望甚重才業甚備人皆貴

其心當在匡濟皆不可也夫義當閑適時在匡濟
皆吾所當必爲者然其立心則不可謂必得是也
而後爲遂苟其心如此則是心境本無外而自拘
於一隅道體本周遍而自滯於一偏其爲累也甚
矣子其以吾言思之久之必有得也

宣化堂記

大哉化也源乎天散乎萬物而成乎聖人自天而言
之理具乎乾元之始曰造化宣而通之物付之物
人付之人成象成形而各正性命化而變也陰陽

源乎天

源乎萬物

理學分傳

卷之十九

八

五行運行乎天地之間綿綿屬屬自然氤氲而不
察已所以宣其化而無窮也天化宣矣而人物生
焉人物生矣而人化存焉大而父子君臣夫婦長
幼朋友之道小而灑掃應對進退之節至於鸞飛
魚躍莫非天化之存乎人者也天能物與之化而
不能使之不違其化所以明人倫察物理作禮樂
制刑政以修其道以明其德人欲化而天理血氣
化而性情呻吟化而謳歌暴天化而仁壽洋洋乎
而發育萬物而放乎四海盤亘天地貫徹古今而

成乎其人

極發宜化

化之不宜
人與爲之
是以人去
宜

莫之違者此聖人宜天地之化以立人之化而使
天下後世宜之也於是時君宜聖人之化大臣宜
時君之化列侯守令又宜大臣之化至於一家宜
一長之化一身宜一心之化一事宜一理之化一
物宜一性之化化而宜宜而復化宜而不已至於
不宜化而不已至於無所化故人仰天化之上天
隱人化之中合人物於我合我於天地融濫通暢
交欣鼓舞無所間隔無所壅蔽人化宜而天化成
矣自世教衰主德不宜恩澤不流而列侯守令又

不能承流而宣化所以陰陽錯謬氛氣克塞而天
化窒羣生寡遂黎民未濟而人化息噫天地之化
會於人心聖人之化布於方策顧人之宣之者何
如耳順天治中周侯孟賤故都運公之長子也學
業淹備才術通濟而深識治體郡牧劉公病且卒
而繼者未至侯以獨負主治有聲嘗於時豈政暇
之際親其府之公堂謂是堂者一道聽政之所也
上之化由是而宣乃大書其扁曰宣化蓋亦有意
於宣其上之化也且請予記之以爲執事者律予

無義則然
則望叔切

巾之日堂以是名人登斯堂思所以下教令思所以變風俗思所以息獄訟上恐負朝廷興化之意下恐負吾民望化之心如是則雖無斯名豈無斯名堂以是名人登斯堂苟俸祿於此待日月於此行賄賂於此教化不行則歸之上風化不美則歸之下如是則雖有斯名安川斯名嗚呼堂既以是名矣登斯堂者無負我侯無愧斯名

維後漢曰劉子閔元伐宋乃賦渡江其徒中之曰哀之也題梅曰西風吹落戰塵沙夢想西胡處士家曰恐江南春減猶夫賦也或譏其爲元尊曰病宋許子不陳伐宋之謀欲修德以來之丘仲深

亦有責言昧稽實而

肆聰貶不亦冤乎

靜修生有元之盛開明絕學復能高壘之上九人

謂元有許平仲之興學耶律齊卿之諫弑劉靜修

之不仕三儒而已予謂大義割然澹純學粹先生

一人也

按靜修產於容城祖父俱爲金元人於宋實無故

士故王之前渡江賦深心隱痛蓋王景畧不欲滅

晉之意也任瓊山以爲幸宋之亡何哉余曾有渡

江賦錯以賢之海內有心者

先生之請從祀也屢矣議者謂於經籍無所箋註

累章不報吁此衆人之所不識也顏子有何箋註

而列於四科之首古今無敢議者况有四書精義

易繫辭說其箋註莫大於此矣王如病其爲獨善

而不能爲兼善此又衆人之所不識也夫獨善有

獨善之義獨善有獨善之時時可獨善而必欲兼

善則兼之所不敢出也不召之臣是何等風義此

正孔孟行藏進退之旨豈足爲先生病哉予考聖

幾仲不得
親去靜修
四靜修得
紫陽遺著
而尊行之
亦可謂能
得師矣

門從祀志已久而熙者若而人未入議入者若而人
是必久而後定尚論君子考秉焉

安熙字敬仲真定藁城人祖滔父松皆以學行淑其
鄉人熙少承家學聞保定劉靜修因之學心向慕焉
熙與因所居相去數百里因亦聞熙力於爲己之學
深許與之熙方將造其門而因已歿乃從因門人烏
叔備問其緒說蓋自因得朱儒朱熹之書即尊信力
行之故其教人必尊朱氏然因之爲人高明堅勇其
進莫過熙則簡觀和易務爲下學之功其告先聖文
有曰追憶舊聞卒究前業洒掃應對謹行信言餘力

學文雖理盡性循循有序發軔聖途以存諸心以行諸已以及於物以化於鄉其用功平實切密可謂善學朱氏者熙遭時承平不屑仕進家居教授垂數十年四方之來學者多所成就既歿鄉人爲立祠於縣城之西築鎮其門人蘇天爵爲輯其遺文而虞集序之曰使熙得見劉氏廓之以高明勵之以奮發則劉氏之學當益昌大於時矣靜修遺文皆熙所輯訂嘗語門人曰吾勿閱一過於經必有新得彼第以詩文視之何啻千里

余嘗至蘭修書院與寬記有云先生同時有蔡城
安默庵嘗有私淑之益其爲人可謂同道者豈山
周倫復得其遺文刻之余訪其遺文已不可得讀
元史錄公傳於公之爲人可卜其所學矣

許文憲謙

謙字益之金華人數歲而孤甫能言母陶氏口授孝經論語入耳輒不忘稍長肆力於學雖疾不廢既乃受業金履祥之門履祥曰士之爲學若五味之在和醯醬既加則酸醎頃異子來見我已三日而猶夫人也豈吾之學無以感發子耶謙聞之惕然居數年盡得其奧於先儒之說有所未安亦不同也有四書叢說二十卷謂學者曰學以聖人爲準的然必得聖人之心而後可學聖人之事聖賢之心其在四書而四

書之義備於朱子顧其辭約意廣讀者安可易心求之乎讀詩集傳有名物鈔八卷正其音釋攷其名物度數以補先儒未備仍有其逸義旁采遠搜以已意終之讀書集傳有叢說六卷觀史有治忽幾微倣史家年經圖緯之法起太皞氏迄元祐元年秋九月尚書左僕射司馬光卒備其世數總其年歲原其興亡著其善惡蓋以爲光卒則中國之治不可復興誠理亂之幾也附於續經而書孔子卒之義有自省編晝所爲夜必書之其不可書者則不爲也他若天文地

理典章刑法字學醫術靡不該貫旁而釋老之言亦
洞究其蘊嘗曰苟不深探其隱安能辨其同異別其
是非耶延祐初謙居東陽八華山學者翕然從之尋
開門講學遠而幽冀齊魯近而荆楊吳越皆不憚百
舍來受學及門之士著錄者千餘人隨其材分咸有
所得獨不以科舉之文授人曰此義利所由分也謙
篤孝友有絕人之行其處世不膠於古不流於俗不
出里閭者四十年四方之士以不及門爲恥縉紳先
生過其鄉者必卽其家有問焉或訪以典禮政事謙

官莫能致
四字風采
明題

爲之折衷無不厭服廉訪使劉庭直副使趙宏偉論
薦於朝中外各臣前後章數十上而郡復以遺逸應
詔鄉闈大比請司文衡皆莫能致晚年身任正學之
重學者以其安危爲斯道之隆替焉至元三年卒年
六十八稱白雲先生謚文獻先是何基王栢及金履
祥歿其學猶未大顯至謙而道益著學者推原統緒
以爲朱熹之世適江浙行中書省請於朝建四賢書
院以祠之同郡朱震亨字彥修謙弟子清修苦節古
篤行之士所至人多化之

白雲博學著述富且釋老之言亦爲究析故賀暨
間謂不免於文士浮華之習佛老異端之惑滯蝶
鄙狠之貽也傳稱其學顯道著爲紫陽世適見白
雲之局大醫問之守嚴二子正可作華絃之佩

姚文獻公樞 趙仁甫復 賢子聲默附

姚樞字公茂其先永平柳城人遷居洛陽自幼力學志期甚高宋內翰九嘉石重名柳公茂有主佐之畧與楊惟中北觀太宗甚重之歲辛丑賜錦衣金符以郎中牙魯瓦赤行臺於燕時臺長惟事貨賂遂棄官携家來蘇門墜荒雲門誅茅爲堂作私廟祠四世堂龕宣聖容傍垂周兩程張邵司馬六子像讀書其間衣冠莊肅以道學自鳴佳時則鳴琴百泉之上遁世而樂天若將終身汲汲以化民成俗爲心自版小學

語孟諸書傳之四方時許衡聞公得伊洛性理之學
盡室來蘇門相依以居世祖在潛邸以禮聘至敷陳
治道數千言世祖奇其才使授太子經二年以爲太
子太師不拜改大司農四年拜中書左丞十年拜昭
文館大學士十三年拜丞相後二年卒於官年七十
八謚文獻子煒年十六世祖官以禮部郎中居官忠
厚清慎克紹先烈至行中書省平章政事謚文忠從
子燧生三歲而孤育於伯父樞衡與樞講道蘇門燧
年甫十二卽從之遊十八始受學於長安至元七年

衡以祭酒教貴冑奏召舊弟子十二人燧自太原驛
致館下元貞初詔修世祖實錄拜江西行省叅知政
事仁宗居藩邸開宮師府燧年已七十遣正字呂洙
如徵四皓故事起燧爲太子賓客尋拜太子少傅燧
辭曰昔臣伯父樞嘗除是官尚不敢拜臣何敢受授
承旨又四年以病告歸卒於家年七十六謚曰文燧
先在蘇門山讀通鑑綱目嘗病國統散於逐年不能
一覽而得其離合之槩至告病江東著國統離合表
若干卷年經而圖緯之如史記諸表將附朱子凡例

之後其學有得於許衡器識豪邁山窮理致知反躬
實踐爲世名儒

趙復字仁甫德安人學者稱爲江漢先生方蒙古南
屠德安時姚樞以行臺郎從軍得復異之釋與語賢
儒也執手定交復以九族盡殘毀不欲生與樞訣求
之

想見其死

死樞勉譬不聽恐復去自裁挾與俱臥起復伺樞寐
熟入去樞中夜寤急起視亡矣遽乘月馳馬走積屍
間號之至水際則復已被髮徒跣仰天號欲自沈樞
手挽之曰徒死何益今家俱盡惟君存祖宗百世宗

形其素

復不復
矣

紀在君當自愛徒死無爲也於是復乃動勉從樞與
俱北是時洛闢學未行於中國獨金僞張持立文舉
者頗以程易教授未廣也至是復乃以所記憶程朱
諸經傳註錄出之以傳樞與中書楊惟中大好之受
其學會樞與行臺長不合棄官去隱蘇門山建太極
書院立周子祠以二程張楊游朱六子者配食日夕
禮焉刻諸經授學者求遺書至八千卷請復講授其
中復乃原義農堯舜所爲繼天立極孔子孟軻所垂
世立教周程張朱所發明演繹者標其宗旨揭其條

理學宗傳

卷之十九

趙不刊

六

緒而學傳本北人知有學則樞得復之力也復爲人
樂易耿介與人交分誼至篤世祖咨伐宋終不答曰宋
吾父母國也忍伐之乎與學者語毋以博溺心末喪
本爲戒竟不仕而終

漢書

竇默字子聲廣平肥鄉人幼讀書毅然有志避亂德
安得伊洛性理之書以歸與姚樞許衡倡道蘇門旦
暮講習至忘寢食久之還肥鄉以經術教授世祖在
潛邸遣使迎致之避不見使者微服往伺得以來問
治道首以三綱五常爲對已又爲言誠意正心之學

世祖悅一日三召敬待有加禮不令暫去左右中統
初王文統以言利進爲平章政事默入侍言治亂休
戚必以義爲本文統患之且默在世祖前屢斥其學
術不正乃奏默爲太子太傅外示尊禮內欲擯使既
遠默與樞拜命將入謝以衡議還制文統遂寢其命
改授默爲翰林侍讀學士官至昭文館大學士卒贈
太師封魏國公謚文正默平居未嘗以一言方人至
論國大事面折廷諍人比之汲黯帝嘗言朕求賢三
十年得一竇漢卿本元有天下頗以文治更故習默

及姚許之力也

文未喪天道無墮地全賴數君子之力而數君子又皆起家蘇門則蘇門一席地可謂有靈矣

曹氏子曰
仕元而辟
魯齊之大
用而世能
通於則已
感矣

許文正公衡

許衡字平仲懷孟人也幼端懋爲兒時塾師授之書
輒了義問師曰讀書欲何爲師曰應舉取第耳衡曰
如斯而已乎少長父母以家貧令爲郡從事見州縣
追呼旁午嘆曰民不聊生矣而督責吾不忍爲也遂
棄去時中土困於戰爭民轉徙無學無師授又艱得
書籍衡於日者家見尚書注疏皆散缺請寓宿手抄
以歸避亂岢嵐山得王輔嗣易說讀之兵亂中晝夜
誦思不厭也言動質諸經而後發嘗暑中過河陽道

隅甚道旁有梨栗爭取啖衡獨危坐樹下自若或問
之曰非其有而取之非義也人曰世亂無主曰梨無
主吾心無主乎轉魯問魏自是出入經傳泛濫老釋
可至醫卜諸子百家兵刑貨殖水利筭數之類靡不
研究稱師矣居久之還懷從姚樞所得程朱書讀之
津津入謂從學者曰吾今乃始聞進學序矣悉取向
所謂簡帙悉焚之俾無大小皆自小學入從事於灑
掃應對進退之節爲進德基本篤信力行以其身先
之雖隆冬盛暑踐習不廢也諸生出入視繩尺惟謹

與人交施懇延接莫不惻然動感漸濡善意而去嘗
與子書曰小學四書吾敬之如神明信之如師保能
明此膏他書雖不治可也已移家蘇門依姚樞以居
便講習樞被召獨處蘇門山慨然以明道爲已任日
綱常不可一日亡於天下苟在上者無以任之則在
下者之責也凡喪祭嫁娶必徵諸古禮以侑俗從學
者彌衆家貧躬畊粟熟則食不饕雜糠覈茹菜食之
處之晏然歌誦之聲聞戶外如出金石有餘卽以分
族人及諸生之貧者人饋遺毫勿受也庭有果熟爛

墮地童子過之不睨蓋其感如此元世祖以姚樞薦
召提京兆學時郡縣始建學衡以其學爲教風化大
行世祖南征乃還懷北卽位召拜國子祭酒謝病歸
至元二年帝以安童爲右丞相欲衡輔之復召至命
議事中書省四年復請歸五年召定朝議官制時阿
合馬擅權寵放橫大臣阿附之衡正色不憚會命其
子簽樞密院事衡曰國家事惟兵民財三者而已今
其父典民與財子又典兵也不可帝曰卿慮阿合馬
反耶衡對曰雖不必反然此反之道也退論列其專

權罔上蠹政害民若干事以聞又謝病歸八年以集
賢殿大學士召守國子祭酒世祖親擇蒙古弟子仰
教之衡喜曰此吾事也國人子太朴未嘗視聽專一
若置之善類中涵養數年必且爲國用乃受命且請
驛召其弟子王梓耶律有尚姚燧劉安中等以來致
館下爲伴讀欲夾輔匡弼薰陶浸潤而自得之也時
所選弟子皆幼穉衡待之若成人愛之如已子出入
進退嚴之若君臣其爲教因覺以明善因明以開蔽
相其動息而張弛之慎其萌蘖而防範之課誦少暇

即習禮習射習投壺書筭少者令習拜跪揖讓進退
應對之儀其說書不務多惟懇款周折令推之日用
未領解則引證設譬必通曉而後已嘗曰敬敷五教
在寬今學中大體固須嚴密然就中節目必寬蓋人
之品不同有夙成者有可成其大可成其小者難一
律強也且不止因其材又當隨其學所至漸進之夫
教人與用人反用人當用其所長教人當略其所短
漸摩成就故其教醇煦懇至而從學者尊師敬業日
改月化雖童子亦知三綱五常爲生人之道也衛自

請學一不問家事賓客皆謝絕曰學中若應接人事
業必妨外人怨謗是已事諸生學業上命也故業專
而教成請還懷十三年詔王恂定曆恂以爲曆家知
曆數而不知曆理宜得衡領之命以國于祭酒領太
史院事曆成復還懷太子真金請以其子師可爲懷
孟總管以其祿養之且手書諭衡曰公勿以道不行
爲憂公身安道有時行矣惟勉自愛衡旣歸絕人事
居山中課畊自治誠切不嚴而整閨門之內若朝廷
家喪葬一遵古制不川佛老懷孟化之有僧德公者

年百歲餘持律清端誠其徒曰老僧苦行百年終不能修
佛徒爲不孝子汝輩還家盡人道可也自是不復度
弟子十八年病革直家祠祭起奠獻如儀既撤家人
餽怡怡如也顧語其子曰我平生爲虛名所累竟不
能辭官死慎勿立碑但書許某之墓四字使子孫識
其處足矣遂卒懷人無貴賤少長皆禔哭四方學士
聞訃皆聚哭有數千里來祭哭者衡所至人樂從之
遊所去人不忍舍服其教心感誠服終身不敢忘
其言雖武人悍士無不感悟也或未嘗及門受業猶

承傳其緒餘而折節力行名於世者甚衆翰林承旨
王磐豪脩視一世少與可見衡心降之曰先生神明
也謚文正

五事疏

行漢法便

是用夏之

道此是知

并子矣

一曰立國規模言有中夏必行漢法乃可久可傳猶
陸之宜車水之宜舟也反之則亂然西世國俗累
朝勲舊一旦驅之從臣僕之謀就亡國之俗其勢
甚難夫寒之與暑不同然寒之變暑也始於微溫
溫而熱熱而暑積百有八十二日而寒始盡暑之
變寒也亦然則積久之驗也在陛下尊信而堅守
之不雜小人不貴近效不恤流言而後致治之功
成二曰中書政本不過用人立法二者而已近而

譬之髮之在首不以手理而以櫛食之在器不以
手取而以匕故爲治者務用人然人之賢否未知
之固不可得而遽用或以知其爲君子爲小人而
進退輕驟是徒曰知人而實不能用人也亦何益
哉人莫不飲食惟膳夫爲能調五味之和莫不睹
日月獨星官爲能步虧食之數者得其法故也曰
爲高必因丘陵爲下必因川澤爲政必因先王之
道今里巷之談動以古爲新戲不知今日之所食
身之所衣皆古人所遺而不可得違也况治天下

之大而古法顧可違耶弗思甚矣夫治人者法守法者人人法相維而後上安下順而治成今立法用人雖未能盡如古然已仕者當給俸祿以養其廉未仕者當寬條格俾效諸用外設監司以察污濫內專吏部以定資歷三載考績三考黜陟此所謂法也三曰民生有欲無主乃亂天畀命作之君師此蓋以至難至重之責任之非予之可安之地而娛之也請言其切而要者夫人君不患出言之難患踐言之難天下之大兆民之衆事有萬變日

有萬幾人君以一身一心而酬酢之欲言之無失
豈易能哉故有昔之所言而今日忘之亦有今之
所命而後日自違者可否異同紛更變易天下之
人疑惑驚眩則至難之地不以難處而以易處之
故也爲人上者樂舒肆爲人臣者事容悅容悅本
爲私也私心盛則不畏人矣舒肆本爲欲也欲心
盛則不畏天矣以不畏天之心與不畏人之心合
則其所務者快心之事已耳快心則口欲言而言
身欲動而動又安肯兢兢業業以修身爲本一言

一動熟思而審處之乎此人君踐言之難難於天下之人也人君惟無喜怒也有喜怒則贊其喜以市恩鼓其怒以張勢惟無愛憎也有愛憎則假其愛以濟私藉其憎以復怨其至本無喜也誑之使喜本無怒也激之使怒本不足愛也而譽之使愛本無可憎也而短之使憎若是則進者未必爲君子退者未必爲小人予者未必爲有功奪者未必爲有罪以至賞之罰之生之殺之鮮有得其正者人君不悟其受欺也而反任之以防天下之欺欺

而至此尚可防耶故人君以知人爲貴以用人爲
急用得其人則無事於防夫賢者以公爲心以愛
爲心不爲利回不爲勢屈寔之用行則庶事得其
正天下被其澤然賢者遭時不偶務自韜晦世固
未易知也雖或知之而無所援引則人君無由知
也人君知之然召之命之有如廝養賢者不屑也
雖或接之以貌待之以禮而言不見用賢者不處
也用其言矣而復使小人叅之賈小利則近效有
用賢之名無用賢之實賢者亦豈肯尸素以取譏

凡設難用
賢矣邪南

哉此特難川者也而又有難合者焉人君處崇高
之地大抵樂聞人過而不樂聞已之過務快已心
而不務快民之心賢者必欲匡而正之扶而安之
如堯舜而後已勢必難合况奸邪佞倖醜正惡直
肆爲詆毀多方以陷之乎自古及今端人雅士所
以重進而輕退此任賢之難也奸邪之人其爲心
也險其用術也巧惟險也故千態萬狀而人莫能
知惟巧也故千蹊萬徑而人莫能禦其譖似恭其
訐似直其欺似可信其佞似可賢務以窺人君之

喜怒而迎合之竊其勢以正己之威濟其欲以結
主之愛愛隆於上威擅於下大臣不敢議近親不
敢言毒被天下而上莫之知至是而求去之亦已
難矣然此特人主之不悟者耳雖其悟之如宇文
士及之佞太宗灼見其情而不能斥李林甫妬賢
嫉能明皇洞見其奸而不能退邪之惑人有如此
者此去邪之難也四曰語古之賢君必曰堯舜語
古之賢相必曰稷契以堯舜能知天道而順承之
稷契又知堯舜之心而贊之也夫天道好生而不

私堯舜亦好生而不私若克明峻德至於黎民於
變敬授人時至於庶績咸熙此順承天道之實也
稷播百穀以厚民生契敷五教以善民心此輔贊
堯舜之實也今國家徒知歛財之巧而不知生財
之由徒知防人之欺而不欲養民之善徒患法令
之難行而不思法令之無可行也誠能優重農民
勿擾勿害暇游惰之人歸之南畝課之種藝懇喻
而督行之十年之後倉府自積此生財之厚自都
邑而至州縣皆立之學校使皇子以下至庶人之

子弟皆入於學以明父子君臣之大倫自灑掃應對以至平天下之要道十年已後上知所以御下下知所以事上上下下和睦此致理之本二者行而萬日斯舉

王陽明先生自謹獨之功克而至於天德王道之蘊故杏世祖治天下之要惟曰王道及問其功則曰三年有成是以啟沃之際務以堯舜其君克舜其民爲已任由其真積力久至誠交孚言雖剛切終無所忤至於其身之進退則察若萬夫之勇向可以利祿誘而威武植也晚年義精仁熟躬備四時道出萬物之表無事而靜則太空晴雲舒卷自如應物而動則雷雨滿盈草木甲拆事至而不疑事過而無迹四方之人聞之而知敬望之而知畏懼之而知愛遠之而知慕求其所以然則

惟見其胸中磅礴浩大人欲淨盡天理流行動靜語默無往而非其道之著形也

薛子文清曰魯齋余誠實仰慕竊不自揆妄爲之言曰其質粹其識高其學純其行篤其教人有序其條理精密其規模廣大其胸次洒落其志量弘毅又不爲浮靡無益之言而有厭文弊從先進之意朱子之後一人而已

陳氏剛曰文正其學尊信朱子而濂洛之道益明使天下之人皆知誦習程子之書以至於今者公之力也

崔後渠銑曰元世祖知許子於潛尊其道以隆禮故階之以敕亂然未嘗以其君帝也召以議道則往召以制官則往召以立教則往召以作曆則往舍是則無往焉故儲師不尊則辭禮不繼權臣不去則辭卿教有敕則不宣問伐宋則不對居於朝未嘗三年淹也儒學禁於宋滅於金而衡起之元

理學宗傳

卷之十九

詩文正

三

有以也夫故危邦亂朝任道則行徒祿違焉可也
尊德則就其臣避焉可也

王恂 楊恭懿 蕭綱 同恕 第五居仁

韓擇 侯均 武恪 李木魯 胡長孺

孫轍 黃澤 陳機 陳機

王恂中山人楊恭懿奉元人皆篤信閑學至元中恭懿與恂俱召辭不至以恂薦太子真金令有司以漢聘四皓故事再聘之乃入見議科舉言士不治經學孔孟之道而日攻詩賦爲空言害治宜敕有司舉行誼通經之士無投牒自售帝曰善會北征予告歸已徵收曆授集賢學士尋辭歸後數召皆不至卒恂爲

太子伴讀太子問學物曰在正心許衡言人心如印板板不差雖摹千百本不差板一差摹之無不差者故要在正心太子深然之起國子祭酒師道卓然居父喪致毀卒

蕭先生

蕭軒陝西奉元人力學行義三十年鄉里孚化稱之曰蕭先生鄉人有暮行遇盜者自詭曰我蕭先生也盜驚愕釋去世祖時辟儒學提舉不赴後累授集賢學士國子司業皆不赴武宗初徵太子右諭德扶病至京師覲東宮書酒誥爲獻以時尚酒也諫解去以

集賢學士國子祭酒召不至卒謚貞敏

同恕字寬甫亦奉元人安靜端凝雖大暑不去冠帶其學由程朱派孔孟務貫串事理以和於行教人委曲開導使知所向方家世業儒同居二百口無閒言母卒事繼母如母父喪致毀與人交雖外無適莫而中有繩尺扁所居曰樂庵時蕭對道高當世入城府必主恕家士稱之曰蕭同延祐中以奉議大夫太子左贊善召以疾辭致和初拜集賢侍讀以老辭年七十八卒謚文貞

第五居仁宇士安恕高第弟子博學通經史躬率子弟躬畊而從學者如雲遊其門者學明而行修卒門人私謚曰靜安先生時北學奉元最盛有韓擇從善侯均伯仁均事繼母孝機采以給奉養而讀書不輟擇信道不怠其教人雖中歲後必使自小學入或疑之曰人不知學自首童心且童蒙當知而自首不知其可乎

武格宣德府人以吳澄薦入國學明宗在潛邸爲說書命鎮雲南欲起兵陝西格諫曰太子南於國爲君

命於家爲叔父命何可違也南何某非福若向京師
發一矢史官必書反不可悔矣左右惡其言遣之歸
居恆巷教訓子弟屢薦不復就恪好讀周易日靜坐
或問學以何爲本恪曰以敬爲本其知要如此

字本魯狝字子聲其先隆安人少力學從新喻蕭克
學已復從蕭軒游學益宏官近侍文宗字呼之不名
遷集賢直學士國子祭酒帝師至自西蕃有旨朝臣
一品而下咸郊迎俯伏進觴帝師不爲動狝舉觴進
曰帝師釋迦之徒天下僧人師也狝孔子之徒天下

儒人師也請各不爲禮帝師笑而起舉觴卒飲之視
者悚然矧狀貌魁梧不妄言笑學本於性命道德而
記問宏博文章興雅天下以爲表儀在國學久議者
謂自許平仲後能以師道自任惟耶律有尚及翀而
已子遠以忠義死賊妻從死人以爲翀之教行於家
云其在南有婺州胡長孺汲仲吳興宇文諒撫州孫
轍履常

胡長孺永康人初師吉川余學古學古師邑人王夢
松夢松受學朱門葉味道長孺學旣有所受行游四

方旁求其肯趣益信泐養川敬爲最切默存靜觀超
然自得慨然以孟子自任汲汲勸誘如不及一時學
士爭慕之方獄大臣及郡二千石聘致說經環聽者
數百人長孺言人雖最靈與物同體初無二本此學
之大原舍此而學則學非其學聽者爲雖如有興起
也又博學能文章非其人雖數金易一字不聽晚寓
武林病喘上氣者久一日具酒食召比隣別云將反
故鄉門人曰先生精氣不衰何云反耶長孺曰精神
與死生無涉至夕喘忽止子駒排戶視之則正衣冠

端坐逝年七十五矣公深有操行平居雖暗室亦正冠危坐手記所爲質天地鬼神不敢苟門人謚純節先生

孫轍臨川人幼孤母蔡親教之卽警策自勵比長學行純篤事母孝家居教授庭外蕭然而考德問業者無虛器與人言以孝弟忠信爲本辭溫氣和聞者皆油油乎其有感也待親戚鄰里禮義周洽未嘗幾微攻人過部使者若郡縣長吏仁賢者畢慕造焉監司屢辟皆不就吳澄叙其文以謂仁義之人其言藹如

是朝儒者
三復令人
起敬

也時同郡吳定翁清修文雅與轍齊名而善詩居恒
言士無求川於世惟求無愧於世人以爲名言

黃澤字楚望蜀資州人生有異質見仰子天地自相
依附語窮晝夜以思因玩河圖洛書及渾天蓋天曆
術之數而深研於吾道異端不同之辨以爲是格致
之端也久之作仰高鑱堅論以自廣行省屢署書院
山長時一赴非其好也杜門取六經傳註疑義離析
辨難致其思始嘗夢見夫子以爲適然旣屢夢見之
最後乃夢夫子親授所校經字畫如新覺而經傳諸

隱賸犁然盡解寓居九江家無一畝之宮闕甚破椽不庇風雨而好古樂道晏如也二親年高州郡月致廩貲其養菽水嚙然居十餘年親沒澤年旣六十矣有慕提學者考學撮籍訓澤一耆儒費月廩已汰削三之二於是乃大困而澤日瞑目端坐涵泳優游不少變容至與竟日語愉懌如平時乃客不知其槁絕未飯也終不少降挹以卒年八十有七澤於經以積思自悟爲得以自然的當不可移易爲極自天地定位人物未生以前治而下之凡遠古之初萬化之原

載籍所不能具者皆昭若發蒙然後山義農以來下
及春秋其人倫之端禮樂之本皇道帝德神化宜民
之妙起數立象之幾非田區畫封建自然之勢鬼神
祭祀神物前民之用忠質文異尚之體與夫世變禮
之由下至以力假仁之習皆若身處其間而目擊其
事謂易主明象因孔子之言以上求文王周公之意
而其括在十翼作十翼舉要謂春秋主明法考覈三
傳以上求聖志之精作筆削本旨三傳義例考於禮
謂鄭氏深而陂王肅明而淺作禮經復古其辨釋諸

經要肯詆排百家作補註作翼經罪言蓋專力積久而歷代紛紛聚訟久莫能決者皆未解凍釋怡然各得其所安吳學士澄太息其著書以爲前無古而後無今也學士李洞者過九江請澤於濂溪書院會寓公縉紳之士執弟子禮從受經且將紀其家澤謝曰以君之才輟朞歲之功何經不可明然不過筆授其義已耳若予則百艱萬苦之餘乃能有見吾非邵子不敢以二十年林下期君也李歎息而去新安趙汾子常見澤問治經之要曰致思問致思之道澤曰嘗

禮之學大
有宗統藏
何斯一再
往以畢其
觀耶

以一事爲例而思徐久自有得卽少得益完養而慎
思無輕發可也蓋以思爲學也夫思有明暗通室何
可以率人而慧者卜億宛然韻者固守一察故仲尼
以爲殆抑楚望父可謂思通矣抑勤而遠矣涉後深
信陸學作陸文安像贊云儒者曰其學似禪佛者曰
我法無是超然獨契本心以俟聖人百世

陳樵字君采金華人好學有邃悟元末戴華陽巾製
鹿皮爲衣種藥銀谷澗中入太霞洞著書郡人宋濂
景濂往謁之樵步從出速戒侍子治酒醢執葷醢爲

獻酬歌古詩爲飲已執漣手慨然太息曰漢太師說
經而善者不傳傳者多不得其宗淳熙來群儒之說
與洙泗伊洛尤不類曩余屏去傳註獨取遺經精思
之四十年一旦神會心融灼然有見於聖賢之大指
也蓋明月之珠失之二千年上自王公下至氓隸莫
不悵悵然索之而終不可致牧豎於大澤之濱偶獲
之豈可以其賤忽之乎濂遊席而請曰願遂聞之乃
言曰吾以九疇爲六府三事而圖書同爲易象以片
言統萬論而天下古今無疑義以庸言釋經旨而野

學先待後
之簡

人君子無異辭夫神之所知者智也知天地萬物一體之謂仁知天下分殊之謂禮知分之宜之謂義禮復而和之之謂樂故天地萬物一體者是經史之會委也能一視萬物則萬殊之分正家齊國治而天下平矣今夫家國天下一枳也枳一而穰十焉枳有穰而一視之其於人則仁矣發而視之穰有十則其等有十其於人則君臣父子長幼之等夷刑賞予奪之殊分者之所謂禮也視十爲十者禮之異視十爲一者仁之同分愈異者致愈同禮愈嚴者仁愈篤此先

王之道也治天下國家而不以禮則藝倫敦禮樂廢而仁人是故沐浴濂洛朝夕之所陳者天下齒殊之分視聽言動之宜所操者禮之柄焉耳故一體萬殊者孔子之一貫於言無不統者也章句析而附會興操其枝葉舍其本根沐浴濂洛之會要不可見而遺經不可識矣濂受其說以歸而傳經者頌言伊洛之學大明於淳熙何可少也於是不復往畢其說而樵益以斯道爲已任著書窮晝夜不怠遺濂書曰吾且死吾道苦無所授子聰明絕倫胡不一來來片言可

盡也會世亂家燬於兵寓子胥王爲家留六年卒且
卒默坐一室不食飲踰月縣令遣人以醫來視磨之
去曰吾年八十有八死可矣條然逝

陳樸字壽翁徽之休寧人三歲祖母吳口授孝經論
語七歲通進士業十五鄉人皆師之宋仁宗舉廢樸
發憤致力於聖人之學涵濡玩索貫穿古今嘗謂朱
氏歿而諸家之說亂其本真乃著四書發明書傳纂
疏禮記集義等書凡諸說有畔於朱氏者悉刊去之
延祐初詔以科舉取士有司強之試鄉闈中選遂不

復赴禮部教授於家不出門戶者數十年性孝友尤剛正日用之間動中禮法與人交不以勢合不以利遷善誘不倦吳澄嘗稱有功於朱氏凡受業於澄者盡遺而歸櫟元統二年卒年八十三揭傒斯誌其墓

宋之大儒錮於本朝而昌於明代叙理學者往往不及元儒愚謂元之立國非五胡割據僞也天固全界以所覆命之爲天下君矣無論中國君臣一倫不容頃輒而古帝王自立之區坐視沉淪中國之上曾無一出而手授之者忍乎哉余固叙列許平仲劉靜修而下若干人或出或處各有本末以俟後之君子考衷焉或曰吳草廬自負其偉元儒無出其上何以不列曰從祀孔子廟庭者皆理學之最著者也弘治朝祭酒謝鐸請進宋儒楊時從祀斥元吳澄考理學書正以修德化之懷懷德化矣何最嚴終